

BILBOKO OSTALARITZAN KONTSUMOA ZUZENEAN SUSTATZEKO BONUEN PROGRAMAREN OINARRI ARAUTZAILEAK, BILBOKO UDALAREN BILBAO AURRERA PLANAREN BARRUAN

1.- ZIOEN AZALPENA

Bilbao Ekintza, EPEL (aurrerantzean, Bilbao Ekintza) Bilborako ekonomia- eta gizarte-jarduera sortzea sustatzen duen udal-erakundea da; horretarako, hiria bultzatzen du inbertitzeko leku erakargarri gisa eta enpresak sortzen eta hazten laguntzen du, eta laneratzeko aukerak hobetzen ditu. Bere helburuen artean dago, halaber, hiria kultura- eta aisialdi-helmuga gisa nazioarteko turismoan kokatzea eta sustatzea, hirian aberastasuna dinamizatzen eta sortzen lagunduz.

COVID-19k sortutako osasun-krisiak, 2020ko ekitaldian, aurretik genuenaz besteko errealitate bat erakutsi zuen, eta geldialdi bat eragin zuen jarduera ekonomikoan. Horren ondorioz, jarduera koordinatua egin behar izan zen, osasun-, ekonomia- eta gizarte-krisi horren ondorioei aurre egiteko. Bilboko Udalak, egoera hori ikusirik, 2020ko maiatzaren 8an BILBAO AURRERA Plana onartu zuen, Bilboko Gizarte Kohesiorako, Ekonomia eta Enplegua Suspertzeko eta Kulturarako Neurrien Plana. 15 milioi euroko aurrekontua du. Pandemia-egoerak bere horretan jarraitzen duenez, eta horrek tokiko gizarte- eta ekonomia-sarean dituen ondorio negatiboak areagotu egin direnez, AURRERA 2021 PLAN berri bat egin da, udal-taldeek urtarilaren 29an aho batez izenpetua.

Ekonomiaren eta enpleguaren esparruko neurrien barruan, BILBAO AURRERA Planak Bilbon zuzenean kontsumitzea bultzatzeko programa bat jasotzen du BILBOKO BONUen bitartez. Hain zuzen ere, eragin handiena izan dezaketen sektoreetan aplikatu nahi du.

Azaldutakoari jarraikiz, Bilbao Ekintza EPELen Administrazio Kontseiluak, 2021eko uztailaren 15eko bilkuran, "BILBOKO OSTALARITZAKO BONUAK" erosceta-bonuen sistema arautzea helburu duen programa hau onartu du, Bilboko ostalaritza-jarduera sustatzen laguntzeko.

2.- PROGRAMAREN XEDEA ETA HELBURUAK

Egungo programaren helburua da BILBOKO OSTALARITZAKO BONUAK sistema arautzea, herritarrek Bilboko establezimenduetan erosi dezaten bultzatzeko, eta, horri esker, udalerriko merkataritza-sektoreei suspertzen lagunduko zaie.

Hala, Bilboko Udalak, programaren bitartez, hirian zuzenean kontsumitzea sustatu nahi du pandemiagatik kaltetuen izan den sektoreetako batean (ostalaritzan) enplegua eta ekonomia suspertzeko.

3.- PERTSONA ONURADUNAK

Programa honen onuradunak izango dira Bilboko Udalak Bilbao Ekintzaren bidez salgai jarriko dituen bonuetako bat ezarritako bitarteko eta bideen bidez eskuratzen duten 18 urtetik gorako pertsona fisikoak.

Bonuak banatuko dira NAN edo AIZ zenbaki bati lotuta; zenbaki bakoitzarekin, guztira, 5 bonu eskuratu ahalko dira.

Bonuak erosten dituztenek hurrengo atalean adierazitako zenbatekoa ordainduko dute, eta itzuli beharrik gabeko dirulaguntza izango da Bilbao Ekintzak egindako ekarpena.

Herritarrek ordaindutako zenbatekoaren eta Bilboko Udalak egindako ekarpenaren baturak zehaztuko du bonuaren balio faziala (balio osoa).

4.- DIRULAGUNTZA JASO DEZAKETEN GASTUAK ETA BONU-MOTAK

Bilbon kontsumoa zuzenean sustatzeko programak (BILBOKO OSTALARITZAKO BONUAK) bonu-mota bat du.

1. MOTA. Bilboko Ostalaritzako Bonua

Oinarri hauetan aurreikusitako ondorioetarako, dirulaguntza jaso dezaketen gastutzat joko dira bonuen modalitateei aplikatzen zaizkien hobariak, honako hauen arabera:

BONU-MOTA		BONUAREN PREZIOA	UDALAREN EKARPENA	BONUAREN BALIO OSOA (FAZIALA)
1. MOTA	1.A	5,00 euro	5,00 euro	10,00 euro
	1.B	10,00 euro	10,00 euro	20,00 euro

5. FINANTZAKETA

Bonuak finantzatzeko gehieneko kreditua 954.054,86 euro izango da, honela banatuta:

BILBOKO BONU-MOTAK		GEHIENEO KREDITUA
1. MOTA	1.A	286.216,46 euro
	1.B	667.838,40 euro

Bilboko hirirako bonuetarako zehaztutako zenbatekoa banatuko da bonuak saltzeko data jarri baino 24 ordu lehenago atxikitako Bilboko establezimenduen kopuruaren arabera, eta bonu-mota bakoitzeko honako kopuru hau banatuko da:

BILBOKO BONU-MOTAK	EHUNEKOAK	BONU-KOPURUA	
1. MOTA	% 30,00	1.A	57.243
	% 70,00	1.B	66.783

Hala ere, programa indarrean dagoen bitartean, Bilbao Ekintzak proportzio hori aldatu ahalko du, baldin eta behar bezala justifikatutako interes publikoko arrazoiak badaude eta hala egitea komeni bada.

6. PROGRAMAREN INDARRALDIA

Onuradunek 2021eko irailaren 29tik 2021eko abenduaren 5era erosi ahal izango dituzte bonuak, edo haiek agortu arte, epea amaitu baino lehen agortzen badira.

Amaiera aldatu ahal izango da Bilbao Ekintzaren Zuzendaritza Nagusiaren ebazpen baten bidez, eta ebazpen horren berri emango da deituko den hurrengo administrazio kontseiluan.

Herritarrek bonuak erosi ahal izateko, kontuan hartu beharko dira, batetik, Eusko Jaurlaritzako Osasun Sailak egoera epidemiologikoaren bilakaeraren ondorioz hartzen dituen berariazko prebentzio-neurriak, eta bestetik, programaren garapen egokia baldintzatu edo horrekin lortu nahi diren helburuak hobeto lortzea eragin dezakeen beste edozein inguruabar ere.

Bestalde, gastua 2021eko abenduaren 5erako egin beharko da, eta ez dira diruz lagunduko egun horretatik aurrera egindako erosketak. Datari dagokionez, fakturan/tiketean jasotakoa beteko da, eta ez da onartuko geroagoko fakturarik.

Hala ere, Bilbao Ekintzak programaren indarraldia luzatu ahal izango du, Zuzendaritza Nagusiaren ebazpenaren bidez, baldin eta behar bezala justifikatutako interes publikoko arrazoiak badaude eta hala egitea komeni bada.

7. ESTABLEZIMENDUAK ATXIKITZEKO PROZEDURA ETA BALDINTZAK

Erakunde atxikiak:

Kanpaina honi atxikitako erakundetzat jo ahal izango da ostalaritza-sektorearen barruan enpresa-jarduera duen pertsona fisiko edo juridiko oro, baldin eta Bilbon establezimendu ireki bat badu eta agiri honen I. eranskinean zerrendatutako jarduera ekonomikoen gaineko zergaren epigraferen batean alta emanda badago.

Salbuespen gisa, aipatutako eranskinean adierazitako beste talde eta/edo epigrafe batzuetan dauden enpresek parte hartu ahal izango dute, baldin eta Bilbao Ekintzak uste badu horien ezaugarriak eta jarduera bat datozela programa honen izaerarekin eta helburuekin.

Programa honi atxikitako erakundeak erakunde laguntzailetzat joko dira, Dirulaguntzei buruzko azaroaren 17ko 38/2003 Lege Orokorrean ezarritakoaren arabera, eta arau horretan dirulaguntzak kudeatzeko erakunde laguntzaileentzat aurreikusitako araubide juridikoa aplikatuko zaie.

Bonuetarako ezarritako aurrekontua Bilboko barrutien arteko banaketa proportzionalaren irizpidearen arabera banatuko da, horietako bakoitzean bonuen salmenta-data jarri aurretik atxikitako ostalaritza-establezimenduen kopurua kontuan hartuta.

Kanpainan parte hartzeko prozedura:

Kanpainan parte hartzeko, erakundeak edo establezimenduak atxikitzea eskatu beharko du. Eskabideak, inprimaki elektronikoaren ereduaren arabera, Bilbao Ekintzak horretarako garatutako plataforma teknologiko honen bidez aurkeztu beharko dira: www.bonobilbao.eus

Atxikitzeko eskaerarekin batera, deialdi honen II. eranskinean zehazten diren agiriak aurkeztu beharko dira.

Eskabide-orriak edo harekin batera aurkeztu beharreko dokumentazioak akatsen bat badu edo osagabeak badira, erakunde interesdunei bost egun balioduneko epea emango zaie antzemandako akatsak zuzentzeko. Epe hori igarotakoan akatsik egin ez badute, eskaeran atzera egin dutela iritziko da, urriaren 1eko 39/2015 Legearen 21. artikuluan ezarritako eran emango den ebazpenaren ondoren.

Eskabidea eta aurkeztutako dokumentazioa egiaztatu ondoren, bonuen kanpainan atxikitako erakunde gisa onartu edo baztertu dela jakinaraziko da, emandako posta elektronikoaren bidez.

Baimena eman duten beste kanpaina instituzional batzuetara atxikitako erakunde edo establezimenduak programa honetan sartutzat joko dira, baldin eta programa honek ezarritako baldintzak onartzen badituzte eta deialdi honetan eskatutako dokumentazioa aurkezten badute; beraz, ez dute eskabidea aurkeztu beharrik izango, atal honetan adierazitako baldintzetan, betiere urriaren 1eko 39/2015 Legeak (Administrazio Publikoen Administrazio Prozedura Erkideari buruzkoa) 53.1.d) artikuluan xedatutakoarekin bat etorritik.

Kanpainan parte hartzeko eskabidea aurkezteko epea:

Establezimenduetarako eta enpresetarako atxikitzeko epearen hasiera zehaztuko da Bilbao Ekintzako Zuzendaritza Nagusiaren ebazpen baten bitartez, entitatearen webgunean argitaratuko dena, eta 2021eko irailaren 22ra arte.

8. BONUEN EZAUGARRIAK ETA ERABILERA-BALDINTZAK

Bonuak erostea:

Herritarrek bonuak digitalki eskuratu ahaliko dituzte Bilbao Ekintzak prestatutako web-plataformaren bidez. Bertara sartzeko esteka: www.bonobilbao.eus.

Erosten diren unean ordaindu beharko dira bonuak, eta erosteko ordainketa-sistema kreditu- edo zordunketa-txartelaren eta/edo aipatutako erakundearen ordainketa-pasabidean onartutako beste edozein ordainketa-bide elektronikoren bidez egingo da.

Bonuak establezimendu/enpresa jakin baterako erosiko dira, plataforman jasota dauden programari atxikitako erakundearen artean.

Salbuespen gisa, 65 urtetik gorako pertsonak atxikitako establezimenduetan bertan eskuratu ahal izango dituzte bonuak. Horretarako, NANA aurkeztu beharko dute, eta

erosketak kreditu- edo zordunketa-txartelaren bitartez edo eskudirutan ordaindu. Aukera hori izateak ez du baztertzen bonu orokorrak erosteko aukera, betiere NANak ezarritako muga gainditzen ez badute.

Bonuak programa indarrean dagoen bitartean erosi ahal izango dira, baldin eta finantzatzeko kreditu nahikoa badago.

Bonuen trukea:

Bonuak establezimenduan trukatu beharko dira, hura erosi zen unean hautatua izan zena.

Erabiltzaileak bonuaren QR kodea aurkeztu beharko du, edo, hala badagokio, inprimatutako bonuak establezimenduan/enpresan entregatu.

Erosketa-tiketaren zenbatekoa bonuarena berdina edo handiagoa izan behar da, erosketa eta/edo kontsumizio-aldi bakoitzean oso-osorik agortzeko modukoa.

Edonola ere, ezin izango da dirua eskudirutan itzuli erosteko unean eta erositako produktua itzultzea erabakitzen bada ere.

Erosketa-tiket bakoitzeko, gehienez ere, BILBOKO OSTALARITZAKO BONUen lau ale erabili ahal izango dira.

BILBOKO OSTALARITZAKO BONUAK bateragarriak izango dira administrazioek abian jartzen duten beste edozein bonurekin; beraz, tiket berean adierazitako erosketan pilatu ahal izango dira.

Nolanahi ere, ematen den dirulaguntzaren zenbatekoak, bakarka hartuta edo beste dirulaguntza, laguntza eta gainerako diru-sarrerekin batera, ezin izango du diruz lagundutako erosketaren balioa gainditu.

Muga:

Establezimendu bakoitzeko 5.000,00 euroko muga ezarri da (4.000 euro bonu orokorretarako eta 1.000 euro 65 urtetik gorakoentzat). Gainera, barrutien arabera aurrekontu-muga ezartzen da, 7. puntuan jasotakoari erreparatuz.

Muga hori handitu ahal izango da, baldin eta eskariaren egoerak hala gomendatzen badu, ahalik eta bonu gehien banatu ahal izateko.

Nola egin bonuen likidazioa Bilbao Ekintzarekin:

Likidatzeko orduan, atxikitako entitateak plataformaren bitartez erregistratu beharko dituzte bonuak eta dagokien salmentaren tiketa edo faktura.

Udalak berehala sartuko du establezimenduan bezeroak erositako bonuaren balio fazialaren % 50, nahiz eta Covid-19aren neurriengatik itxita egon. Beste % 50 sartuko da bezeroak bonua kontsumitzen edo trukatzan duenean.

Bilbao Ekintzak astero ordainduko dio establezimenduari (trukea hasi eta 15 egunera gutxi gorabehera egingo den lehen sortan izan ezik) ordura arte aurkeztutako bonuen zenbatekoa; emandako kontu korrontearen zenbakian banku-transferentzia bat egingo du.

Bilbao Ekintzak, laginketa-tekniken bidez, bonuen aplikazio egokiari buruzko arrazoizko ebidentzia lortzea ahalbidetzen duten frogagiriak egiaztatuko ditu. Horretarako, aipatutako frogagiriak bidaltzeko eskatuko dio atxikitako erakundeari.

9. PROGRAMA OSATZEN DUTEN ALDERDIEN ESKUBIDEAK ETA BETEBEHARRAK

Onuradunen eskubideak eta betebeharra:

Kontsumitzaile batek bonuak erosiz gero, dokumentu honetan jasotzen diren kanpainako baldintzak onartuko ditu.

Onuradunek erosten dutenean ordainduko dute bonuaren zenbatekoa, eta atxikitako establezimenduetan nahiz enpresetan trukatu ahal izango dituzte adierazitako muga-eguna baino lehen.

Atxikitako establezimenduen eskubideak eta betebeharra:

Establezimendu batek bonuen kanpainarekin bat egiten badu, oinarriak onartu dituela joko da, bai eta oinarrietan ezarritako konpromisoak bere gain hartzen dituela ere. Hori dela eta, Bilbao Ekintzak egiten dituen egiaztatzeko eta kontrolatzeko jarduketak onartuko ditu, eta horiek egin ahal izateko eskatzen zaion informazio guztia aurkeztuko du.

Atxikitako pertsonak kontsumitzaileei programaren ezaugarrien berri emateko konpromisoa hartuko dute, bai eta programa iragartzeko materialak hartzeko eta establezimenduan, ondo ikusteko moduko leku batean, jartzeko konpromisoa ere. Hori guztia deialdi honetan adierazitako bonuen mugara iristen direnean kendu beharko dute establezimenduek.

Establezimenduak bonua onartuko du tiketa ordaintzeko ordezeko gisa, erosketa osorik edo zati batean ordaintzeko, eta une oro errespetatu beharko ditu bezeroari tratatzeko berdintasunaren eta diskriminazio ezaren printzipioak. Hori horrela, programa indarrean dagoen bitartean, ezin izango da bonuaren programa ezkutatu edo bonua erabiltzeko eskubidea ukatu.

Atxikitako entitateek bonuen egiazkotasuna eta baliagarritasuna egiaztatzeko konpromisoa hartuko dute, eta haiek izango dira Bilbao Ekintzaren aurrean bonua baliogarria izateko beharrezkoak diren zenbatekoen erosketa-tiketa edo -faktura egiaztatzeko eta justifikatzeko arduradunak.

Kontsumitzaileei ez zaie inola ere eskudirutan itzuliko erosketaren zenbatekoaren eta BILBOKO OSTALARITZAKO BONUen balioaren arteko aldea, ez erosteko unean, ez erositakoa geroago itzultzen bada ere.

Bonuaren balio fazialaren % 50 baino ez zaio erosleari itzuliko (erabiltzailearen ekarpena), baldin eta ostalaritza-establezimenduak behin betiko ixten badu. Halakoetan, Bilbao Ekintzak establezimendu horri eskatu ahalko dio trukatu gabeko saldutako bonuengatik ordaindutakoa.

Kontsumitzaileak bonua erabili ondoren, establezimendua baino ez da izango bonua ondo kudeatzearen arduraduna, eta salmentaren tiket edo faktura egokiarekin batera erregistratu beharko du plataforma elektronikoa baliatuz Bilbao Ekintzan behar bezala likidatzeko.

10.- INTERPRETAZIOA

Bilbao Ekintzak eskubidea gordeta du egoera zalantzarrietan oinarri hauek interpretatzeko, eta bere erabakiak behin betikoak izango dira.

Horri dagokionez, deialdia funtsean aldatzen ez duen punturen bat garatu, aldatu, egokitu edo ezabatu behar bada, Bilbao Ekintza EPELeke Zuzendaritzari emango zaio aldaketa horiek egiteko eskumena. Ondoren, horren berri emango dio administrazio kontseiluari, aldaketak egin eta deitzen den lehenengo bileran.

11. LEGERIA APLIKAGARRIA

Oinarri hauetan ezarritakoaz gain, honako hauetan xedatutakoa beteko da:

- Bilboko Udalak eta bere organismo eta zuzenbide publikoko erakundeek deialdiaren bidez dirulaguntzak emateko oinarriak arautzen dituen Ordenantza Orokorra (BAO, 2016ko uztailaren 20koa).
- Dirulaguntzen azaroaren 17ko 38/2003 Lege Orokorrean eta hori garatzen duen erregelamendu-araudia.

Halaber, dirulaguntzen arloan honako hauek ezartzen dutena aplikatuko da:

- - Eusko Legebiltzarraren 4/2005 Legea, otsailaren 18koa, Emakumeen eta Gizonen berdintasunerakoa, eta gainerako araudi osagarria.
- 19/2013 Legea, abenduaren 9koa, Gardentasunari, informazio publikoa eskuratzeari eta gobernu onari buruzkoa. I. titulua.
- 39/2015 Legea, urriaren 1ekoa, Administrazio Publikoen Administrazio Prozedura Erkidearena, eta 40/2015 Legea, urriaren 1ekoa, Sektore Publikoko Araubide Juridikoarena.
- 2/2016 Legea, apirilaren 7koa, Euskadiko Toki Erakundeena.